

摘藻堂四庫全書薈要

集部

欽定四庫全書薈要

集部

御製詩三集卷

九十九
一百

詳校官原任編修臣徐立綱



欽定四庫全書薈要卷一萬三千五百二十八


集部

御製詩三集卷九十九

古今體一百三十七首

辛卯七

六月朔日作

 臨鷄火玉階來溫風昨夜陣雨驟望霽迫憂忡清

曉黑雲散卓午朱日烘月朔更庚首

是日值
初伏

快晴誠利

農炎熱正所當時燠蒸黍亢所慮氣潤溥易致雲生濃
展轉不免愁無非緣田功

西直門外作

赴爽輕輿詰旦行
碧天雲淨快新晴
綠田高下均改觀
聲望外獲斯真慰情

御殿雖云沿例事
政勤庶績要精嚴
石街清蹕還宮禁
詎可園居鎮避炎

早禾勃長將吐穗
晚黍芄生都拔秧
半月前愁漫迴憶
彼無此亦鮮嘉償

倚虹堂題句

長河臨北岸向有倚虹堂十歲一重煥今年典更詳

辛未

歲恭祝

聖母六十萬壽始攝此堂

七旬大慶

曾經脩葺丹牖今年恭逢

慈壽八旬復飭治煥新

以彰

慶典

真同天下養永祝

萬齡慶此際殷心者惟祈若雨暘

題澄性堂

曉行既有暇近路復因便高樓禮萬佛溪堂遂傳膳是

處太液源

太液之水以玉泉爲源然自塘外引流至此入池亦可謂之源矣

一泓影澈

練波澄性亦澄却類性爲轉轉物乃如來此語如何薦

致爽樓口號

朱明颯景似新秋
拾級因登樓上頭
邂逅片時真致爽
誰知致爽永斯樓

鏡藻軒

綠藻梳波裏朱魚
泳藻間生機
皆一適樂意似相關
豈必衣冠正欣茲
珠玉潺寧無吟致
屢趣我得斯閒

湛碧亭

池上疊假山
山巔小亭亘
岬巘非甚高
遂與尋曲徑
總

之園一池俯臨又殊勝池乃不改常一例澄碧映西轉
北而東南堂即澄性行漏未逾時壺中之事竟

遵北岸遊鏡清齋諸勝題各體

鏡清齋

豈必輕舟直亂流肩輿北岸小沿遊齋臨碧水清如鏡
波映橫簷幻若樓目送霽天千里淨衣披爽籟幾銖浮
信哉此際心欣慰敢忘前茲望雨愁

焙茶塢

多時貢至雨前茅溪屋何須更焙茶却是中人循例事
烹成荷露倍清嘉

挹素書屋

書屋久未至偶至原如故花木無俗緣甌研多靜趣暢
觀喜雲淨怡情在雨足叶生白虛室間依然挹其素

罨畫軒

山容與水態罨畫一窓間景漫疑真假法寧論李闕徂
雲去天末新漲落溪灣稍愜祈年望詩吟片刻閒

韻琴齋

迸水落溪濱琴聲入耳聞設論即景句慙愧是南薰

枕巒亭

假山疊奇石日久如天然嵒嵒有道通小亭枕其巔騁
望太液池碧波漾淪漣何殊妙高臺遊目窮江天題句
想好在渺渺隔雲煙

畫舫齋

北岸東轉南沼齋有畫舫無忙且餘閒何妨一造訪前

池雖不寬頗具煙波狀憑檻俯澄泓原在蘭舟上亦非
荆自予永叔曾先倡

鏡香室

畫廊曲轉接東廂別室題名號鏡香總屬一池臨水藹
趣緣得景各隨方

古柯庭

老榦千年計嘉蔭一庭佈夏葉疊林齊亦何異衆樹苑
不爭其榮枯不改其素徘徊試擬議古柯真古度

得性軒

曲逕通軒潔且幽
顧名竭爾試研搜
中庸明說由天命
何必紛然向外求

興曠室

既已窮其奧而復得斯曠
適可非貴貪逍遙恐無當
命駕進清禁漏未已
牌向奏書肯遲待
批閱慎籌量

養心殿晚坐

既雨遂望晴
我貪自覺甚
實以祈年憂
先時每懃恁
昨

近始快霽烏飽扶桑堪騰輝耀天中溥潤消以審豈不
赫炎歆籌農庠夙稟輕重權其間廣殿况廕蔭叶頗弗
苦暑蒸惟益祝歲稔傍晚爽風來翻書試研品

太和殿視朝

瞳矓曉闕啓芙蓉香擁金鑪露氣濃禮具以時臨黼座
樂鳴應月奏林鍾六月以林鍾爲宮鍾擊以起樂編鍾從之敢云會極還

歸極惟奉天宗與地宗三十六年斯一志遑因日久懈
虔恭

承光殿

視朝歲嘉儀更衣臨便殿風入千年松颯爽謝揮扇古
人此乘涼徒向誌中見蒼翁笑婆娑誌豈曾覲面

自長河泛舟迴御園之作

長河溯洄水直可達昆明聊罷步輿進遂開煙舫輕衣
衫拂朝爽禾黍暢新晴樂善名園近維舟試意行

樂善園

隄旁舊識有溪園水木清華碧蔭軒祇以題名繞兩字

優於天下子輿言

含清齋

翰齋臨碧水古砌蔭蒼松溽暑那能到秀靈獨所鍾樹
含風籟爽花濯露華濃隨處堪摘藻懋勤硯匣供

蘊真堂

一年來一度所遇殊清迥隔塵綠水波籠戶踈筠影插
架有芸編足以伴暇永然每不暖席憩祇消杯茗箇中
真趣多亦在隨人領

鸞舉軒

近水由來養竹脩
翻風鸞舉翠陰流
天然自是仙家景
底藉庾申著力求

過廣源閘換舟遂入昆明湖沿緣卽景襟詠

廣源設閘界長隄
河水遂分高與低
過閘陸行纔數武
換舟因復溯洄西

萬壽寺無二里遙
墻頭高見繡幡飄
維新梵宇非崇佛
都爲今冬慶典昭

朱衣僧跪寺門前不挂紫衣不透禪

向賜紫衣皆因透禪褒嘉今逝盡無

笑一薦直進舟弗返顧箇維調御證因緣

夾岸香翻禾黍風無論高下綠芃芃所希此後雨暘若

未敢秋前說兆豐

水痕漲落尺猶餘蒲葦根還泥帶淤

前月廿一夜雨過驟西山諸水漲發

以致昆明湖水平隄即啓青龍驕尾間宣洩水勢隨落今所見葦根之泥猶前日水痕也至其下游東城濠及閘河雖間有漫口旋即堵築而北運河一帶隄岸完固無虞武清諸邑不致如去年之受溺差足慰耳

北

運河消隄岸固關心慶未害菑畲

麥莊迺遷接長春

麥莊長春二橋名

平水無勞更易輪西岸營

房初建置

昨歲議爲火器營兩翼各建營房一區視健銳營之制選勁旅居之演習火器因於隄西

之南隄度地鳩工

無非惠衆俾安身

東岼墻臨聖化寺其中林木頗清幽晨涼圖趣歸御苑
更弗門前命繫舟

軋軋鳴榔過繡漪

橋名

昆明百頃綠波披舟行十里詩八

首却未曾消四刻時

一時八刻四刻始半時也

陣雨

六月初七日

昨近復興雲幸未成積雨過午鬱炎歆薈蔚勢彌聚踊
懼將作霖切切愁心所翻思陣雨催庶得收溽暑西北
忽殷雷急雨飛來霽叶普汜萬億點摩醯何能數來驟
去亦迅曾未時久許濕蒸一以滌涼爽生衣紵碧天淨
如洗夕陽照林楚心慰更餘閒開舟泛月宇

泛月四首

東南徂雲輕西北明霞燦霞燦復漸消蔚藍天一片晚
晴信已定志為三農忙耐可泛蘭舟值此清閒宴

清宴詎易值必也暘雨時夏三今逮季其二愁過之快
霽乘晚涼淥波澄滄池匪同趣水程桂棹緩緩移

緩緩移桂棹葛衫披風峭轉欲換袷衣炎蒸避如標舉
頭望天中素娥已揚曜圓景雖未滿其間趣尤妙

趣妙未滿時因識盈虛理芳花欲開嘉好景將探美上
弦逾細眉流光向人委素彩愜蕭懷詎可輕孤此

賦得浮瓜沈李

得消字八韻

賦物殊生性浮沉理自昭難拘小大論試看李瓜標種

自青門美品緣琳國超食單雖共貫藝圃不同條一例
冰盤朗坐教暑氣消丁星底偏墜菌蠢上還漂可口益
津永因心得趣饒如將寄書去吳質或堪招

題錢維城山水十二幀

溪塢春遲

溪頭春水漲滄湄山脚春雲護遠陂未肯韶光容易露
嫩青淺翠故教遲

瀑泉洗耳

瀑泉幾疊落迴谿洗盡塵音清聽齊不向世間畱姓氏
漫猜齧缺與王倪

迴塘獨泛

澹然無事坐船脣耐可鬚眉照碧淪不把絲竿置身側
恐防比擬憶鱸人

野岸虛舟

遠山近樹映澄流岸側曠然繫野舟繫者不知何處去
却教妙義寄莊周

竹溪清話

竹院深沉夏日長
溪亭更就水風涼
雖看對坐未聞語
料是相談耕與桑

幽館停雲

水氣嵐煙望若迷
入林深處潤淒淒
山房疑是號玉磬

幽館停雲正隔溪

二語用文徵明事

江程風利

長江千里帶嶙峋
風利如飛送去輪
不是弘農王士治

舉帆直指又何人

虛亭納翠

虛亭若翼據屢屐曾不窓櫺四面施作者應知有別解
圖他峯翠納無遺

松簧隔水

已覺開雲錦繡同更聽隔水謖松風尋常六法原經見
工部詩情此幅中

秋帆穿峽

傑豎峽門如鎖江是誰穿出掛筠篴片時逾險資風正
問爾驚心降未降

蒼巖一曲

四圍叢葉峙蒼巖一曲壺中大不凡小艇滄波間泛者
如詢姓氏定為嚴

丹屏錦樹

石崖平處構幽居萬葉經秋織錦如付與居人朝暮看
那須過客此停車

煉玉歌題和閔玉鏤圖

仙人煉玉學輕身却作玉人百斤重深巖兀兀坐盤陀
閉目止觀息以踵後山童子負籃歸妙藥靈芝攜種種
羽化之蹤視此乎孰曰樗材特擁腫

驟雨

六月初十日

午熱蒸成雨傾盆瞥眼來黑沈忽欲墜白點自為催掠
岸眠楊柳激池起漩洄既霑晴乃好天末盼雲開

晴

入夜已聞止雨點侵晨喜見露曦光
邇來頗覺欠涵養
無刻不因農計忙

詠漢玉壁

土華剝蝕幾千載闕處曾經脩補之
却歎玉堅猶若此
檀相錦襲又何為

平安月鏡居

竹報平安久居延月鏡新隨流皆可住
不繫那迷津溪
樹入宵暗波風送爽頻明霞光亦隱望漸失魚鱗

東園觀禾黍

自我東巡迴切切即盼雨踰月始霑膏稍覺慰心所今
朝值清閒新晴消溽暑命輿遊東園爰言觀禾黍高低
綠芄芃秀實次第舉雖不躬耒耜望歲甚農父益殷祝
時若秋登庶可覩

題瑩德堂

松徑隄頭轉芸堂水面開三庚無暑氣四座絕塵埃少
坐旋當去寧言耽久陪笑他近咫尺今歲却初來

松簧館

蒼松風入有奇聲
高館憑欄愜聽清
不是人間宮徵調
震靈簧鼓許飛瓊

春可軒

今夏初攬景流陰
信逝波砌花紅瑣
碎庭樹綠駢羅池
靜魚無躍林深鳥
有歌春光可人處
付與不知過

如園

複道行空界苑垣
過來石徑即如園
東偏總以弗恒到

并境訝成那忘去聲言偷度春光夏仍季却看瀑布水猶
翻徘徊未免因生愧何事若亭復若軒

題敦素堂

池上三間屋因之敦素名目恒無外誘心亦與同清魚
樂壺中躍荷香鏡裏生納涼坐片刻竹籟拂桃笙

綠淨榭口號

敞榭偏宜綠樹叢既深而淨韻薰風斯時斯地誠宜喜
暑雨怨咨却念中

樂性齋

命天性相近感物情斯遠樂性即樂天牽情逐物損尋
樂豈在外孔顏示大本曰克己復禮怡然志乃滿詎云
景致佳足以供優偃

悅霽亭

雲淨寥天片不留晴風送爽度梧楸問予悅霽緣何悅
都為三農可卜秋

淳化軒

延清契道筦却暑撫薰絃此日憂勤勵他年頤養便

子風

願以壽躋八十五歲即當歸政
因構此軒為他年頤居之所

一庭足花木四壁賞雲

煙重刻淳化閣帖嵌石敷化原吾職還淳豈信然
版於廊壁軒因以名

待月樓

過望月上遲於馬有事待待則欲早見登樓所以乃前
雖列假山四處樓高倍影淨碧天雲光耀滄波海須臾
座席端朗朗延蟾彩却照壁間題今昔分明改

靜蓮齋

一間靜室避歊炎
餅供蓮華水貯奩
識得色香本無處
底須几上置楞嚴

賦得腐草為螢

得流字八韻

腐草本無用為螢
乃有由時當炎暑
候宵見荻蘆洲近
物原非熱疑燈却
又浮濕生更薰化
夏節似臨秋
藜照光明類火傳
今古留莊生著精
喻車子苦勤搜薪
代應嗤蠟缸空那
歎油徒觀不熄者
歲月信如流

命免甘省被災州
縣明歲錢糧詩以
誌事

有序

昨歲下詔蠲直省正供以三年遞周今年甘肅值
應免而臯蘭固原等十二州縣自春徂夏雨澤愆
候且地氣早寒歲止一收夏禾災即不能復藝秋
禾因命大吏察勘賑卹如例其成災者當計分蠲
之而既值輪免則災蠲亦概其中恩不可以屢邀
示有制也第念邊陲土瘠民貧又屬積歉事與他
省異乃破常格於普免外以明年補行災免余惟
切求民瘼施惠無所靳甘肅則尤所座恤者既蠲

積欠穀四百萬石有奇而撥帑備賑復以二百萬計茲所貸尚不可以數算余方懼民之如傷翼吏之承德意以全吾赤子也庸詎知惠之有加無已乎

普蠲寰宇供輸以三年竟甘省值今歲黔黎方幸慶而何逢旱灾比戶愁懸罄遇灾例免賦恩固無重併獨念極邊地域瘠民貧恊春雨既獲遲早收已無剩氣寒補種艱千里赤地定牧民吾之責豈可常數聽命以壬辰

年補行議蠲政有司善推行庶救流離迸於惠寧從優
安肯計絀賸漫言博施難堯舜其猶病

題和閨玉負薪圖

陡峽飛流瀑水潏野橋上孰負薪巡擔纏或是秦伯樂
乏產寧非朱買臣留取青山為淨業常依綠樹結佳鄰
古來作者雖無數誰得千秋號玉人

仇英移竹圖

暑雨初晴宜曝書更教移竹補林虛長竿選得無枝葉



繫綫把来自釣魚

鶴領子

淵材信胎生出卵却頻見野鶴如家雞園中向所豢

解一

既不剪其羽亦不賦之糧

見舊作放鶴行

而終不遠去御園恣

相羊

解二

雌雄那相離溪塘成熟路銜草自為巢孳尾樂

其素

解三

一歲率二卵恒弗失厥時雌雄相代更而謹伏

翼之

解四

透殼宛成形淋滲未能立鴉鵲或來侵跳蕭護

之急

解五

稍長初學步襴褌引以行教啄復教飲無不曲

盡情

解六

兩月毛羽黃四月漸變白六月黑白分翮翮殊

光澤

解七

一歲領子行二歲視子遠子意亦如之非復相

親善

解八

對物有會心人禽別於此而何世間人竟有不

孝子

解九

自驚

曉起披衣問驛章曰有李宏五百里

督撫具摺奏事例各遣人至京遞進

有要事方馳驛其限一日五六百里者則更要也時李宏為南河總督

自驚河工有事哉

急命持呈拆封視乃余前此知河漲往問脩防所降旨

十日前李宏奏今年黃河水長甚驟雖已開放唐家灣毛城舖而水仍加長因諭於要工加意防護並令將現在情形由驛速聞並令由驛速奏來茲實遵諭陳原委茲其遵旨奏覆也

黃河漲落二尺餘各工平穩無罅圯洪湖清水逐漸增

行將暢出渾流抵

李宏奏六月初六日徐城水誌已消退二尺六寸各工俱經脩護穩固而

洪澤湖清水逐漸加增即可暢出清口覽奏為之欣慰初接報時之驚疑始得釋然以手加額覽

數巡乃定驚心轉為喜閱事久因益畏事患失我固異

人耳

孔子患失之戒為為臣者而言若為人君則患失之事宜多患失既多所得恒弗能遂此即為君之

難向作患失詩曾闡此意雖然豈敢憚勤勞惟勵此心慎終始

十日

十日欣不雨宜暘斯已信赫曦照天中地氣收溽潤雖
炎非蒸濕有風即爽峻其間縱小雨亦未成分寸每逢
往來人必以田功問都稱秀將實可卜秋成順止止莫
須說滿招昔垂論登場其尚遙敢曰光陰迅後樂誰則
知先憂吾弗吝

三五七言

昨過去明未來現前實幻耳倏遷那住哉阜物安民祇

慙慙愒時玩日休徘徊

擬古樂府四首

偶讀太白金樂府全從古詞奪換而出其妙乃過
之巨篇宏作筆陣縱橫所謂挾江河於腕底燭日
月於胷中無能倣亦無暇仿也因取短篇四首各
擬一章非欲爭勝亦云各見其意云爾

山人勸酒

勸酒商山中此意足千古巧計墮留侯出山謁世主四

老安劉是滅劉紫微卓見誰能伍

白頭吟

相如賦長門因之得黃金如何卓文君又作白頭吟

王昭君

自逞容顏輕畫工不辭跨馬往沙漠安邊豈必事甲兵
漢家此計稱上著

于闐采花

于闐采花女意謂美勝花明妃西北去乃覺相擬差明

妃西北去安漢南朝妙策多無筭何如騎馬西北來采
花人作宮中媛

題鑑遠堂

問

安視事畢湖上圖遊暫石橋過垂虹鯨波漪漭灩書堂
臨平湖小憩騁清瞰極目豁茗邈因心愜恬憺對物有
餘思返已無窮慙叶近尚艱周知遠豈易云鑑

登望蟾閣

假山殊壘靠高閣誠宮堯率因弗恒登登必興會超湖
水近秀挹西山遠翠招八窓風納涼誰知為暑朝曉蟾
猶在天遊目極碧寥徘徊有所思孤負是良宵

是閣雖
云望蟾

而從未於此賞
月故戲及之云

昆明湖泛舟即景禱詠

一片玻瓈萬頃如輕舟耐可泛澄虛

舟名

湖芳岸秀供時

賞水色山光自太初

六棹翻如舉六翮軒軒亦足擬凌雲因思班氏連珠語

班固連珠驚鳳養六嗣以
凌雲帝王乘英雄以濟民
三握求賢敢不勤

湖波今比舊時寬驟雨漲來慮泛瀾

向蓄湖水灌田期於多瀦前月驟雨

西山諸水並注湖漲平隄因啓青龍橋開為尾閭之洩水乃隨落遂不令多留底水以防潦集近日湖波覺減於前事難兩全大率如是
豫洩尾閭翻致淺從來利弊兩全難

水華適遇漲漫

聲平過

今歲荷將發花適逢波漲漫及莖葉因而花事不及常年之盛幸漲

退甚速不致傷稼雖損荷亦何礙乎

花朵不如往歲多消速幸無害禾黍

吾寧圖祇為觀荷

六橋一帶亘長隄隄界昆明東與西舟過荷橋景又別

睇佳榭似早相俟

睇佳榭

敞榭平岡上縱觀具四臨輕舟艤曲岸步輦陟層岑
爾憑虛檻真堪散素襟迴看湖水潏何限濟川心

暢觀堂

虛榭縵轉接迴廊別有面北暢觀堂湖光遠向連山色
山色倒影入湖光攬結無不愜崇意却是今年此初至
藉非暘雨幸若時曰斯暢觀豈容易

懷新書屋

良苗芄綠拂薰風書屋憑窓愜覽中設以臨民座已責
聖經一語味無窮

玉帶橋

界湖飲練卧長虹隄上肩輿路可通何必留之資印老
偶然同爾藉蘇公玉泉津逮溯洄始

是橋下為昆明湖
上為玉河直達玉

泉西子春光想像中耕織圖猶近咫尺勤民意寓豫遊

叢

耕織圖

稻將吐穗繭絲耕織來看額過時却是望霖盼晴裏
愁多暇少故因遲

圖非柳綠與花紅耕織勤勞體驗中石版嵌廊摹程祭
向曾辨訂程祭摹樓璣耕作蠶織二圖即用璣韻題各幅既合弄多稼軒中並命工摹勒上石嵌是間廊壁

重民本務古今同

水村居

矮屋踈籬帶野汀乘舟來艤岸傍亭
丁星雜卉侵階紫

颯纚垂楊蘸渚青吟牖自開入蝴蝶釣竿閒置立蜻蜓
西鄰東舍隔流水摩詰詩情繪有靈

石舫

畫舫漾來登石舫乘涼小憩舵樓風篷窓偶俯觀流水
瞥眼景光一例同

香蟲室

香蟲石室幽清可軒之左軒固偶一經室更弗恒坐前
已軒中憩茲遊室實可洞戶窄益狹盤陀平不顧天花

霏其芬禪枝轆以鎖龍象底須守鉚鉢惟靜安如如供
大士跏趺青蓮朶那羅延窟是無示中示我

構虛軒

陟降復登高高處雲軒在前過未留題斯來若有待適
日暘雨時有風爽增倍縱目望苑外綠疇蔚每每大地
住虛空名軒所以乃

雨

六月廿
二日

昨宵霏細雨今日繼優霖晴喜十朝過潤增盈尺深早

田抽穗茂晚種吐苗森庶可西成卜中心慰益欽

詠陶尊

成形土鼓後賦質夏尊前秘色真囂矣偃囊何藉焉突
銅閔三代出土又千年用缶約可納惟誠易象詮

題古玉素壁

玉氣全沈土氣埋千年佳壤伴誰哉勝於刻畫成蒲穀
為許為邾漫致猜

驟雨

六月廿三日

昨夜雨未止時小時或大晴久知無妨誠恐連陰作今
曉乃更驟逮已勢方挫歷申尚未霽頗復愁無奈籌農
每畏事殊覺心怯懦然斯正合當敢因生懈惰

晴

六月廿
四日

徹夜陰弗雨雲勢薄清曉既薄遂縷散大露曦光皦天
色碧於藍爽氣霽地表愜心慶宜賜庶可卜萬寶摛詞
惟自勗持盈慎懷抱

聞蛩

振羽當六月物物識節次間庭曲院間氣爽風清際耳
根方喜靜唧唧聲忽試胡爲乎其來瞥眼經年事跂脈
萼草中可聽未可覩叶立秋遲三朝秋信却先至曷不
俟時吟爭響獨何意欲速紛已多亦奚怪蟲類

清暉閣前松效白居易體

清暉閣前松亦有新陰佈新陰雖可人所惜非故樹解一
池魚本無辜殃及因城門蟠龍失其水徒歎僵老鱗解二
舊松五十年始具凌雲態新松未十年那便同肩背解三

嘉植不可無聊命移稚株設如種松子更當廿載需

解四

經久異欲速松弗同楸櫟如嫌長

聲上

閱時應鮮種松者

解五一日復一日秋月與春風終愛骨格佳豈類砌花紅

解六新枝亦已放舊榦嗟何往每看汝敷蔭不覺心悵惘

解七種樹十年計凡木詎松哉良材必遲就尤當勤栽培

解八我今六十餘百歲亦恒有待汝四十年老成或如舊

叶九解

熱

明日立秋節今朝溽暑披炎官設孤注酷吏察為誰那
便辭班扇還當下董帷情知不多子曦影漸西馳

溪亭對雨

六月廿七日

午熱今朝不可當高臺無處得乘涼蒸為雲起西北脚
隱隱雷聲殷^上遠方

雷聲漸近雲陰佈倏忽飛催雨點來艱向溪亭圖望遠
平湖一片白皚皚

橫排豎灑詩難狀盡態極妍畫豈工應是龍公收夏雨

讓教白帝落秋風

斜日明輝蟬螀懸晚晴風景報秋天向來炎熱驅以盡
頭踏金蠶信有權

立秋

六月廿八日

秋信昨朝遞晚涼曉來滿目入秋光共知夏令辭今歲
所喜農功宜若暘颯颯欄邊竹籟爽嚶嚶階際草蟲忙
黍華銅雀時雖近未敢先言萬寶穰

戲題如意

意乃因之能如則緣之所指揮落天花維摩艱著語

王鑑花石盆蘭

石臺之上蔚盆蘭臺下秋花各種攢位置合宜精寓意
寧論傳綠與塗丹

新秋玉泉山

山色靜明不可孤新秋況是耐遊娛已披爽籟迎面到
更喜閒雲共目徂寺以初成欲頻叩

北峯妙高寺今歲初成

塔因

舊識罷重紆

南峯舍利塔已卯所成是日未登

前題却又月餘閱

仲夏曾以

妙高寺落
成一至
電火光陰信弗誣

題創得齋

佳哉秋意新來創得以同然我亦然蟋蟀有吟歲砌草
蜻蜓無數立池蓮松聲謾為風聲峭花氣香因露氣鮮
傳膳於斯隨勅績肯教玩景忘勤虔

憩雲齋

將欲登北峯聊因憩東岡東岡得畝平有室亦有堂憩
雲我夙名路便足相羊是時秋雲斂秋日耀清光獨憩

亦欣然所欣在宜賜

肩輿登玉泉北峯

玉泉本雙峯南北對聳峙南則向恒登登北今歲始允
因寺初成妙高與名矣喜新情之常我殊未免此早秋
復曉涼磴棧遵迤邐肩輿旋轉便效勤固工彼五步十
步憩人勞恒塵爾巖亭歷石衙宋苑非所擬牝洞禮楞
伽那悟西來旨信哉小飛來

亦新與
峯名

鐫崖貌法喜下視

綠雲彌却勝彼西子

妙高寺口號

每喜好山構寺有却嫌汚法著僧無金仙獨坐鐘魚寂
意謂妙高或是乎

該妙齋

迴廊循曲轉三架得芸齋緣以樸為尚因之靜每諧次
茅雖異屋鑿石便成階妙至忘妙處其忘真箇佳

遠清軒

豁目憑欄遠益清遙山東北聳新晴情知阿那翠深處

指日其間過蹕旌

將以七月初八日
啓蹕幸避暑山莊

崇靄軒

陟降仍在原書軒北峯右僕役寧弗勞憩言凭晴牖晴
則靄宜無而靄恒斯守乃識山特靈朝夕所常有一縷
欲出楹攬之不獲手

詠素堂

一室惟虛萬趣該紙窓木榻足徘徊無端把筆欲成詠
却恐素翻失本來

倚晴樓

秋來何事最怡情
恰喜高樓號倚晴
消盡薄雲天一碧
照延曠日景雙清
已看綠野黃將染
小攬畫窓詩早成
風自西南經樹杪
蕭蕭颯颯總金聲

涵漪齋

玉泉殊勝其他處
翠濯山光浸水光
著箇間齋為合撰
呈來虛鏡對中央
有風那作波瀾洶
無刻不涵恬澹常
却是便宜今度者
披紈花樣遞真香

乘舟至影湖樓

梁家圖畫觀大略

故大學士梁清標鑒藏書畫最多但押觀其大略印記幀中率不著一語

我每用於遊豫時適可乘舟曰歸矣影湖路便得棲遲
層樓宛在水中央來往均資漾綵航開口放舟速於箭
一迴眸頃出園牆

拾級登來頻迴空窓開南北受金風適纔品齧勞攀陟
不及據牀坐覽中

去歲新秋意不舒未斯延眺俯臨虛壁詩却欠庚寅句

翻覺白駒迅弗如

伊犁將軍奏土爾扈特汗渥巴錫率全部歸順詩

以誌事有序

伊犁將軍伊勒圖等奏土爾扈特汗渥巴錫及其
台吉策伯克多爾濟並舍楞等率其部衆三萬餘
戶來歸先期遣使至伊犁具書通款自言為阿玉
奇汗正系向居俄羅斯地久願為大皇帝臣僕而
無機可乘乃於去冬謀棄舊遊牧挈屬內附因自

彼逸出行程萬千有餘里閱半年餘始抵卡倫乞
准令入覲以伸積誠渥巴錫等亦先後來至伊犁
察其詞意懇切郵函以聞先是安泰奏偵知土爾
扈特部內附信即遣額駙色布騰巴爾珠爾往迎
之今即諭其偕渥巴錫等至山莊朝謁而舒赫德
亦先所命由烏什馳往莅其事者因令代伊勒圖
為將軍駐伊犁安輯新附之衆給以餼贍振其乏
也授之牧地資其生也其汗及台吉宰桑至者將

錫宴賚封爵秩而其部衆則量地分編以居聯其
情亦渙其勢也蓋土爾扈特自入俄羅斯遠阻聲
教越今幾六七十年乾隆丙子秋其汗敦嚕布喇
什雖曾使人入貢第宴而遣之茲乃不藉招致全
部內屬誠有不期然而然者且準噶爾自底定以
來築城安屯無異中國郡縣今土爾扈特復隸我
藩屬於是四衛拉特之衆盡撫而有之可謂盛矣
然余履泰持盈之念彌以是為兢兢序而系之以

詩紀實也其詳分注各句下此則無庸覲縷矣

土爾扈特部昔汗阿玉奇今來渥巴錫

渥巴錫為土爾扈特汗阿玉奇

之孫敦噶布喇什汗子也

明背俄羅斯向化非招致須恩應博施舍

楞逃復返

平定伊犁時舍楞曾計害我副都統唐喀祿逃匿俄羅斯彼時即向索取而俄羅斯以土

爾扈特舊係彼屬竟不送還今舍楞既棄彼來歸俄羅斯即向我求索亦有辭折之然莫若先以此意令典屬

傳檄示知尤見中國光明正大

彼亦合無辭

衛拉昔相忌攜孥往海濱

準噶爾舊凡四部曰綽羅斯口都爾伯特日和碩特曰土

爾扈特為四衛拉特崇安阿拉布坦時與土爾扈特構釁其汗阿玉奇統全部西北去乃以輝特為一衛拉特

而土爾扈特部終焉懷故土遂爾棄殊倫

俄羅斯素不奉佛土爾扈

特在彼俗尚不同知伊犁黃教振興因思還歸故土且聞從前投誠之都爾伯特部在此得膺封爵樂業安居遂棄其現居之額濟

弗受將為盜

初聞土爾扈特來歸之信議者或以舍楞

勒游牧率屬內附前此負罪逃去不宜與衆同受其降余以彼既棄俄羅斯而來若拒而弗納彼退無所歸必為盜抄掠非所以寧我邊圉且恐舍楞不來同行之衆或疑畏不敢前殊非善全之計若俟其既至執而罪之尤非所以昭威信示懷徠也彼既悔罪輸忱則宥其已往益足彰我寬仁而衛拉全部莫非王臣亦從來未有之事又何必過為顧慮

俾安皆我民從今蒙古類無一不王臣

愁雨

七月初二日

昨雨徹晝夜今晨未放晴再多恐害稼
乏計解愁情岸齒浸將滿階心漲欲平
無能善調幕慙愧祇怍怍

禱言

未至盼來其盼非劇將得愁失其愁實
迫春雨如膏秋雨如濤膏則艱致濤則
易滔百年幾何四時必有意每不足寧
謝白首事鮮兩全理戒太盛咄哉向言
豈云敬勝人誰無愁愁那可辭漠弗知
愁非愚而誰

直隸總督楊廷璋奏定興迤南無霖雨
秋成有望

詩以誌慰

定興南去二百里未逮秋霖秋望收正爾滯雲方注點
一為慰復一為愁

即事

一雨春三日東坡為之喜一雨秋三日而我愁無已三
日豈弗同時殊事異耳過三縱少間去聲其勢實未止剛
盼天容現旋見雲頭起濛昧信艱開淋漓偏易委宵枕
那得安食箸誰知旨敢諉氣數然慙愧不堪矣



喜晴是日七夕

悔禍無一往

皇天果是慈正當復七日

七月朔日後三晝夜作霖其後雖間晴時復霏絲弗止至

今日傍午始快晴

始覺展雙眉浩浩盡以散蕭蕭漸可披秋森

辭扇得曦朗曝書宜幸矣又虞放慰哉敢即怡巧筵行
例事那去禱情私

御製詩三集卷九十九

欽定四庫全書薈要卷一萬三千五百二十九

集部

御製詩三集卷一百

古今體一百十六首

辛卯八

七月十日啓程幸熱河駐蹕木蘭行園即事疊去

歲啓蹕詩韻

有序

三驅猶候吉涓將啓虞旌兩日秋霖漲盛致稽蹕
路展行期之信宿快晴已過洗車遣衛士以經營
穩渡無煩涉馬牽舟誠速昨來正報梁成灑道何

頻晨後又逢雨集豈柔金之生水信有恒占乃句
歲而一經竟無愆度辛巳之成規可按

大安之豫適宜遵小

駐御園計里略同緩頓先臨行館詰朝仍勅停鑾惟農
事之關心積潦懼妨良稼幸田功之蓄目如雲暢
好高原十五蠲租倍常年而更咨善卹七言紀事
疊舊韻而兼誌愍懷

臆霖今歲又逢過生水陰金屢漲河

辛未辛巳皆大雨
水今歲又然或以

辛為陰金值歲主多水
占驗之說豈果有之乎
橋待畢成權駐

輦途看可治先去聲循阿幸然高隴仍秋熟惜矣低田受

潦多滿望懼將作虛望

今歲春夏少雨自夏至後膏澤優霑早稼晚禾並皆茂滿擬

可望豐收乃七月朔日以來大雨兩晝夜漲潦殊盛深懼妨農今沿途所見高田豐藪可觀實為得之意外然下隴業已受傷勅免經過租賦十分之五視常例有加並令督臣勘察被水成災者照例撫卹用副塵念
慙之外更云何
自

駐蹕懷柔縣行宮作

辛巳於石槽兩日曾停蹕今歲似少差一日啓行轡而

昨徘徊間甚覺弗暢志躁緣漸長上年愁以多經事返

躬一體驗涵養殊欠粹昨晚晴夜陰侵晨大開霽廿里

非為遙稍進猶勝退歸化茲駐旌橋待前途備石槽行宮啓蹕

按程應駐密雲辛巳因河派未退前途橋尚需時曾於此停蹕今亦因橋難即成仍駐此以待此間行宮為

皇祖所建且每程適中之地俱有按頓有行宮

聖堯具深意

喜晴

七月十二日

每有喜晴詩足知憂勞倍今朝晴似定徂雲輕變綵西

北捲碧天東南歸大海農功望庶仍行旅愁稍解白河
漲未涸誰謂可立待

白河水漲待橋未成因暫返御園恭問

皇太后安即事書懷

有序

伏庚甫退時行宿漲猶留處暑初交置頓成枉未
遍諮首途而請紆掖

輦稍湏東上之園率前導而期侍方舟徐駐適中之館
乃問白河而徑度戒道將需半旬因瞻

紫籞而依馳詢

安已經三昔爰迴御苑敬侍

慈顏雖兩辛之下胥符演潤或緣乎歲紀而一水之占
倍惕沮塗偏軫夫農功至如典重詰戎佇俟風高
而表扈矧若恩推懷遠行看日近以迎鑾是用摛
言以當誌事

今歲秋霖過辛巳庠奚異漲候橋楮五朝待那安清蹕

密雲城外白河水勢湍急深至二丈餘不能及時減落
楮柱既難以施工牽舟又艱於速致努三在彼督辦橋

座云非四五日弗克歲事若因此停蹕久待殊為無益
且違定省已聞三日因於十三日仍迴御園恭請

聖母安俟奏報橋
成再奉安輿啓行三日潤應謁

聖慈遮莫園中仍復返逍遙河上豈其宜箕疇默驗咎
徵應惕與慚俱祇自知

處暑

雲斂秋曦耀風輕午爽招天容真處暑地氣已收潮

潮潤

潮濕之文雖不見字典而人率以為常談范成大
有征衫潮潤冷鑑薰之句則知宋時亦用之不自今矣御

苑身聊憩河隄念正焦

高晉等奏黃河伏汎甫退七月初水復加長在在平隄清口亦

有倒漾之勢擬開王營減壩以洩其
漲未識通日消減若何座念殊切
更思白檀畔漲退

可支橋

河南巡撫何燭奏報黃河伏汎已過工程平穩詩

以誌慰

秋雨霽靈實異常河工處處慮周防驛馳五百初驚懼

今秋畿輔雨水甚大昨高晉奏黃河防險情形云河南
汎水亦長茲聞何燭有五百里驛章頗為疑懼啓聞驚
懷始
牘覽始終悉審詳
勢甚為浩瀚因督率工員相機

防護加堰鑲修現在漲水全消工程平穩額手
欣慰諭以撫河諸臣及在事員并下部議叙
拍岸盈

堤將有事安瀾消漲幸無殃手加額為欣猶惕更望徐
淮報吉章

兩江總督大學士高晉總河李宏等奏報黃河水
勢漸消各工平穩詩以誌事

南河居下游其險倍豫省昨聞漲水增座望常引領朝
來接報章手戰不敢省見云各工平怵然心始定叶毛
城峯山閘宣洩勢猶猛無已權輕重王營減溟滓兩岸
謹修防子堰築隄頂坐墊及滲漫隨宜補裏戩叶賴值

異漲消無事獲寧靜洪湖亦漸長抵黃力期併

今年洪澤湖水

小力弱又值黃水盛漲清口遂有倒漾之勢茲高晉等奏日來黃水雖尚高於清七八寸而清水既旺日內自可暢出清口及閘所繪之圖黃水直至淮安已歷數十里恐所過沙停淤積日久有妨運道因諭相度形勢量施人力濬治毋專待其清河安東潦或成災昔

七月初黃河漲

勢甚盛隄工在在危險雖開毛城舖峯山閘宣瀉尚不足以殺其勢高晉等議啓王營減壩以洩異漲導由鹽河歸海前經奏報情形深切塵念今據奏自開減壩以來黃水日見消落其隄頂漫水隄坡坐蟄滲水之處並皆搶築子堰或趲幫裏戩各工現俱穩固即下游出槽漫灘之水亦未傷及田廬惟減壩洩下之水徑由清河安東二縣地瀕河草屋低田間有被淹者已飭屬確勘撫卹不使一夫失所覽奏嘉慰諭部將高晉李宏及在

工員弁並
予錄叙

一體善撫卹弗致民飢窘叶覽慰南顧憂敬

哉敢自幸

恭奉

皇太后啓程之作

臨河轉蹕謁

徽萱五日徘徊駐御園漲退橋成馳奏牘秋高途治啓

鑾軒

前以白河漲盛密雲橋難猝成仍回御園駐蹕敬
聖母起居既命努三等於河干董視架橋

並遣侍衛往來詢促昨始奏報剋日成梁遂於十九日
恭奉安輿啓行而經涂坦治如常則由預勅步兵

代為執役因已期舊例可違約

每歲巡幸木蘭隨團之
札薩克王公台吉等例

於古北口外次第迎鑾今已逾期十日豈可復令其久待乎

況覲新來待沛恩

土爾
扈特

汗涯巴錫等率全部來歸諭令於木蘭覲謁
觀圍回至山莊宴賚一切亦須早為部署也

尚有低田

存潦水民艱一路重詳論

紆道

紆道將三里河干易構橋地高避泥濘潦遠茂田苗聊

為去聲農功慰那知野路遙崖邊痕及丈

密雲舊橋岸經
水衝汕不可施

工構架因迤北紆數里就河面平狹處營梁所經地高
阜無泥秋稼極為茂碩覽之慰懷然視岸邊過水漲痕

高幾盈丈迴憶懣難消
念不禁煩懣

過白河

漲水退河濱橋成路可循取材近城郭

月初白河漲盛橋材被衝無存

茲於近城另為運舫自通津

舊有橋船隨波漂損因勅於通州另購船隻並遣侍

衛溯流督運船甫至而橋即成卓午

安輿度前驅明曉遵

今晨鑾午間已度浮橋與行安適明日

皇太后自石槽行宮啓

擬奉

慈輦駐羅家橋後日

駐遙亭仍

迎鑾紛

合緩頓安行且可前途閱視橋道並

臻妥善

老幼原是意中民

出古北口

柔金勝剛金生水自倍蓰秋初漲潮河勢過昨歲已而
何新築城嚙根復致圯賴人知預防避潦早遷徙所以
災轉輕不幸中幸耳

今歲潮河漲勢較去歲更甚因軍民等曾經水患七月初一等日見

大雨晝夜不止即徙高處預防水至雖廬舍被衝而人
無傷損猶為不幸中之幸然人鮮寧居亦堪廬念因發
帑賞葺房屋並開倉平糶賞借月糧以資口食茲復降
旨將旗營各兵糧歲支本色兩季使米穀留餘贍給永
裕期饒

經過漲已消沙痕存岸涘頽墻埋草木原占川路

峙再築仍再傾當讓地於水

昨歲新修邊墻復經水傾圮茲親臨閱視其地適當

來水之衝盪擊勢所難免不宜與水相爭因諭就缺處
結築礮臺以存規制現傾之垣竟毋庸補修使讓地於
水可杜
後患
宣命罷重為庶免紛更屢如云弛禦邊禦邊豈

繫此

自古長城之築原以設險禦邊已昧在德之訓我
朝幅員遠訖口外仍屬近畿即蒙古新舊諸藩皆

隸臣僕并不得僅云中外一家更無可議為輕
弛邊備又何藉此重門之禦屢事脩復滋費耶

關外

關外田羸關內佳連朝馬上看來皆低雖經潦消原易
高自如雲茂正排茅舍地頭還種韭瓜籬牆角更堆柴
覩斯生計較彼可將曰紓懷轉繼懷

北來

日向北來日減愁
黍風禾露茂迎眸
已知下隰未成滯
更喜高原可卜秋
圖近忘遐誰則免
小佳差勝意堪留
愛斯每為遲行轡
計里何須問野郵

灤陽別墅

灤江橫渡至灤陽
松蓋陰森護廣堂
雖是當前尚餘熱
已知不久欲成涼
遙看雲影間將淡
靜聽波聲猶覺狂
溪狹迅消無害稼
獨遲行旅正何妨

至避暑山莊即事有作

漲消橋就坦途培至止還遲十日來

初傳旨於七月八日啓鑾因雨展期

兩日復以白河漲盛密雲橋難猝就仍自懷柔回駐御國直至督促橋成於十九日啓程較每常至山莊計遲旬
嶺過廣仁境詆蕩門臨麗正象昭回峯容水態如相
迓松牖雲莊暢好陪不事招徠歸遠域行看嘉宴此重
開土爾扈特汗渥巴錫等率全部十萬衆投誠其汗及台吉等遠來覲謁計九月中旬可至山莊當於萬樹園開宴行賞如都爾伯特策凌等之例也

永佑寺瞻禮

一年一度仰

如雲是日秋風豁霽氛
綠水青山恒悅

聖繩

前啓後示為君幼齡

恩育那能忘望歲虔求祇益勤
將撫新來行慶賞庶幾
昭鑒有餘欣

碧峯寺

調御中間坐丈夫飛來花雨著
曾無門前正與碧峯對

試問於斯同也殊

味甘書屋

寺後蕭然精舍宜
浮香漉雪試聊為
設如每事耽甘者
語有之乎亦可思

秀起堂

先至其他姑舍諸
山堂真比衆超如
近峯遠嶺秀無盡
秘思妍辭起有餘
將擬披襟頓延爽
試教褰幌迴含虛
拈毫得句肩輿去
孤負誰看架上書

出麗正門恭迎

皇太后即事誌喜

橋穩途平

鳳輦移康強逢吉謁

慈怡無疆慶外有餘慶不敢期間願永期簷際錘峯對
闌苑階前列水即瑤池神仙境蘊中和氣豫養

高年百倍宜

題宜照齋

巉巖跋馬進園門便有書齋向迥原庭據千峯延日朗
窓標雙樹受風翻已看林色秋非夏愛聽禽聲靜不喧
宜照寧惟供目眺萬幾絜矩一心存

却炎榭

已經處暑近白露況在高山蔭密林擬欲却炎炎早却
祇饒恬淡悅秋心

就松室口號

蒼顏貞德信非虛樂道吾聞諸子興管仲且猶不可召

允當築室就之居

食蔗居

委婉藏山佳居因名食蔗尋鹿探竄深偶此憩巖榭既
狹復豁開誰能窮變化天花落石壁謾濤在松架衣袂
颯生涼漿寒底須借

小許菴

涓涓水與星星火昏暮叩門有必資小許由來成大用
使如菽粟正難之

倚翠亭

亭如倚翠峯峯亦與亭倚譬之色即空無彼安有此賓
主了難分同異將奚擬交蘆辨見中一倒復一起靜思
悟其因所懼西風委

登四面雲山亭子

早晚峭寒卓午熱山中無定有其常敞亭底識最高處
向日坐來猶覺涼

畫屏攢簇衆嶙峋碧落秋澄迴暢神却憶去年遲駐蹕

歷觀題柱闕庚寅

每歲至山莊必登此亭登必有詩題柱昨歲因朕六旬慶典中秋後始啓

鑾至熱河駐蹕四日即幸木蘭未及登此遂闕題詠

四面虛明俯萬巒真教遊目綠雲端
摘毫句擬新鄰舊欲去陳言戛戛難

湧玉亭

山亭坐片時一升自一降馴馬試小步仄棧遵松巷
秋雨今年盛久晴溪尚壯亭得未曾有湧玉氣如虹循名
乃偶然清聲出幽淙

玉岑精舍

西北山居此最深等閒跋馬不常尋陟高降下斯稱便
據榻拈毫率與吟未可依然為漫語所欣卓爾寄崇心
促成大笑鳴鞭去付爾千秋對玉岑

王蒙秋窓良話

戶外萬山羅佳賓秋墅過陳蕃欣榻下庾闡倚窓哦庾闡

樂賢堂頌
清颺倚窓

良話知奚謂高情有足多停橈獨坐者興會

又於何

晚荷二首

落落蕭蕭開尚仍
挈舟佳會得閒憑
愛蓮說裏稱君子
不遇後凋未足稱

迴舟向浦為橈停
詎藉花臺葉嶼寧
今日挾毫有別趣
綠雲田地點疎星

題枕榔木盂

舊物山莊典守存

當年敬仰

樸淳敦屏開有似孔雀尾鞭贅又如慈竹根古月猶攜
南海影清溪常汲塞垣源圓方了喻為君道何莫
神堯遺訓恩

即事

崇山峻嶺試遊娛高下巖城繞作郭單騎緣林常遇鹿
扁舟漾泊不驚鳬聞聽颯筑蒼松泛坐愛葇茵細草鋪
與木石居似之矣沛然聞善信能乎

熱

出口覺涼爽山莊候轉更單衣仍盛熱十日為

去聲連晴

渚際紛鷗浴林中遲鹿鳴

鹿涼始鳴熱則遲弗相關故無聲

秋炎未可

少火迫晚田成

玉琴軒

底知最佳處山抱水環深擇勝築雲館揣稱名玉琴幾

曾慮撥刺

琴不善謂之撥刺

恆是俯跳

平聲

沈比似淵明器無絃

却有音

千尺雪

引醴由來一水源高低景各占芳園因而有悟為文法
氣以行之緒是言

滴滴溶溶繞碧潯誰云滕六弗知音設如數典寒山畔
祇擬遙思不擬臨

永恬居

谷轉向西行步隨境入清板橋經幾架雲閣見層甍素
榻偶然據好山依舊呈

兩言垂訓誨萬緒泯將迎

素尚齋

拾級迴廊上畢窮前後齋更高目斯豁尚素意尤諧樹
密不遮戶草生直到階

當年斯示儉聰聽敢違乖

創得齋

石溪往往響流泉泉盡峯迴門面前誰謂山齋得已久
今朝又創豈非然

高下巖松翠蔭籠後凋不改鎮童童於斯漫擬得非創

亦有新青鬣與髮

多佳樓

築室隨山向山樓所向西故常含夕照因以額前題紫
翠色如幻傑池狀莫齊無殊元亮趣歸去每來兮

過東嶺遂至水月菴

自東而升嶺謂西自西而升嶺謂東崇岡橫拖豈有改
以人分別致不同適坐夕佳樓攬山氣燭燭葉影翻丹

翠秋暄未免意向涼圖就峯陰暘曦避巖樓已自高近

天畧陟數武嶺造巔由斯就下乃甚易峯陰步步隨人
遷熱則喜涼寒喜暖誰恒其情誰知滿水月菴中大士
云如來轉物物轉

山心精舍

菴旁精舍號山心繚曲因之復窈深庭有香泥鹿留跡
樹多嘉蔭鳥耽吟一窓風月偶來往四壁詩書自古今
瞥眼不知幾閱歲種松枝幹已森森

陝甘總督吳達善奏報被災州縣秋禾茂盛情形

詩以誌慰

甘省積歉後農務尤廛念方伯新改任入疆親歷勘

吳達

善自湖廣調任陝甘奏報入境後所見田禾情形云甘
省雖積歉之後幸夏雨透足所在秋稼茁勃梗高穗大
即安定會寧間有荒蕪之地而已種者亦皆茂碩今胡
麻已穫糜子將成穀收等並次第秀實其殷戶藏積餘
糧亦陸續起集糶售市價因而漸減肆中餅麩麪重而
值亦不昂災民俱聞賑來歸人無菜色覽奏為之稍慰
安定及會寧災重民危疴不無未種地已種實堪驗今
夏幸好雨潤土沃弗欠胡麻糜穀收穫穗飽非穠穢秋
信可卜溝壑庶可贍以此蓋藏家出糶價畧減叶額手

為民慶悔禍

天心厭亦誠難再支哀此惇獨陷申命仍優賑莫遺寧

有濫

甘省被災州縣已撥陝甘二省倉糧四十萬石又撥西安庫銀二百萬兩備賑茲吳達善奏現在查

勘賑務而摺中則以不敢輕視出納剔弊除奸為言因批答以此言尋常災歉則可若甘省連年被災又當別論所謂寧濫無遺可耳

峯陰

人有時而息日無刻以往試看碧峯陰荏苒向前佈

題燕文貴秋山蕭寺圖

萬嶂秋山螺黛紋，泉聲松韻謾堪聞。
花宮擇勝依峯側，茅店棲卑近水濱。
閉戶僧人自高逸，趨途旅客且殷勤。
畫家說偈示塵世，鮑氏偏徵蕭子雲。
山水家點綴招提，標名概為蕭寺，不必果有所指也。
卷後鮑恂詩跋引梁武帝造佛寺，命蕭子雲飛白書蕭寺事，以實之，則鑿矣。

新月

秋月雖過孟，却是愁中度。

七月初秋霖過多，各河漲盛，永定北運隄岸俱有漫口，低

田不免被潦，且潮白諸河難以剋期成橋，稽程十日對之頗為煩懣。
仲已較孟佳，况值忘

愁處，漫擬一鉤窄，寧非全體露。
懸宇流寒光，映林盪幽

趣玉兔豈有翼試看飛不住

半月湖

半月湖圖月未圓一彎印却影澄鮮
碧霄輪廓三千里容此湖將逮萬千

即景

一峯陰靄一峯晴晴即炎隨陰爽迎映
水岸旁人倒立卧山坡上樹橫生霜遲
林葉連空翠露下湖波澈底清攬鏡乍
看增白髮不忘

聖祖弄孫情

文徵明滄江漁樂即用其韻

漁村近水宅如浮
兩箇漁翁閒並舟
置却笊簍魚不捕
且擎大白醉清秋

桂

塞苑何來江國枝
中秋節近不違期
猗風香逐金風遞
浥露穗擎玉露垂
又已隔年看淨品
去歲京中度中秋看桂
誰能特地罷摘詞
設如擬作月中樹
無翼飛來有所思

趙昌丹桂仙禽

姓名割去底湏詳

畫中無名氏而舊題為趙昌雖無可考然筆墨精到非名手不能也入

妙傳神合趙昌作對仙禽羽毛潔棲枝亦欲染天香

直隸總督楊廷璋奏報被災州縣情形降旨災重

州縣於八月即行急賑詩以誌事

今年霖雨盛去年意謂災田過昨歲申命方伯據實陳
茲勘大畧馳奏至昨歲被水在夏五黍禾方茁即淹暨
今年七月始行潦早種率已收次第視重反輕非諱飾

誠如所言為差慰然成灾究有重者十八州縣深塵意
今年七月初雨水過大河漲漫流低田多有致滯者恐
成灾較去年為甚因命楊廷璋確勘核實以聞並發帑
五十萬兩截漕五十萬石備賑今據查奏昨歲被水在
閏五月距秋成尚遠早稼亦多淹浸今年之水已在七
月不特高粱有收即早禾亦將次成熟不致有乏食之
虞其言近理似非諱飾第念灾重村莊民食究不免拮
据因降旨將宛平良鄉涿州東安永清固安霸州文安
大城通州寶坻香河武清新城雄縣天津靜海寧晉等
十八州縣成灾八分以上者無論極次貧戶急賑八月
俱於八月內先行急賑一月口糧俾資接濟
命即行未可待冬沿向例無遺寧濫俾均霑盖已頻言
亦增愧

微雨

八月初九日

快晴將廿日微雨灑中秋入夕山容隱隨風窓響留禽
眠寒覺穩鹿叫遠聽悠別有愜懷處韭菰綠潤疇

恭奉

皇太后遊獅子園即景成什

昨宵微雨曉來晴早協涓辰侍

輦行路淨塵埃足底迅園生歡喜面前迎溪聲過漲為
音細花色當秋作意榮獻

壽南山近可指

萬年不盡共予情

賦得片雲舒卷

片雲飛作影西東四字

題楣寓意崇

當日蕭閒樂無盡

後時紉繆蘊其中即看出岫舒還卷依舊寫楹散復籠
一歲獅峯遊一度去來不繫或堪同

松栢室

庭前植雙樹一栢一蒼松形作龍鱗老影蟠虬蓋重春
秋閱年度朝暮伴雲封擬欲諮詩禮徘徊竟莫從

含青齋

石城盤陟進園門向北巖齋可憩言樹色千峯猶張王
二皆去聲秋曦一牖耐溫存虛中足納青瑤入風處還疑碧
練翻度閣芸編堪汲古慙無多暇靜探源

松霞室

春風秋月經千歲暮靄朝嵐鎮古形誰曰山中無定色
盈窓看取是恒青

挹秀書屋

芸編插架靜惛惛取便翻看足沃心六藝清芬真萃秀
挹之不藉更他尋

碧靜堂

一谷經千曲非遙轉致深碧兮如濯目靜矣恰宜心林
未玫瑰色泉猶琴瑟音秋長今歲獨呦鹿且遲尋

賦得秋水灌河

得方字八韻
鄉試題

百川灌河至河伯喜陽陽極望無涯涘通流合渺茫馬
牛渾不辨鷗鷺若為翔盡美謂超類安知有大方東行
因到海北面乃驚洋既歎旋思殆難窮固莫量庶堪語
理道惟在反真常滿損謙受益虞書已道詳

錢陳羣奏進謝恩詩至即以其韻答之

宣毫端硯常隨側即景摘詞每寓欽何必多思甫老句
所無逸緬旦公心往來筆札如覲面賡和篇章每託忱

善頌雖卿頗自許，不忘規更佇佳音。

中秋夕即景

塞天寥廓淨纖雯，尺五廣寒桂馥聞。勝地雲山真地表，

雲山勝地為三十六景之一，每歲度中秋於此。

中秋風月正秋分。

是日恰值秋分。

光流

銀漢澄無滓，輪掛錘峯迴出羣。雅愛鹿鳴和，去聲絃管隔

年清賞越堪欣。

去歲以六旬大典於京中度節。

紅葉

秋令今年頗覺炎，綠雲猶護遠峯尖。金官昨夜研朱筆，

卷一百
玫紫猩紅幾點添

新紅剛染衆青中便覺林光致不同日日看來忽有此
為能爾者是誰工

靜含太古山房

自我來山莊西峪茲兩至一以少閒暇一以多政事對
山頗自笑何必煩點綴增景則不無仍付鹿守訖叶巖
房本弗多勝惟據幽邃太古豈其遙峯林詎改置就飾
斯非難反靜未云易

不遮山樓

拾級俯臨萬景披
紅增綠褪仲秋時
開門宋祖不遮意
在彼吾心匪在斯

澄觀齋

氣寒因地迴雲斂
覺天寬寥泝廓眼界
虛明契性湍瑤林
猶纈綠錦壁漸含丹
觀至澄觀處無澄
那有觀

翠雲巖

雖覺菁蔥翠尚鮮
層雲意漸向紅偏
去年已是孤題句

未可今秋更置然

去歲以過中秋始來山莊駐蹕日少此處未經題句

林岑風拂互低昂日日輕雲作護霜此意分明具神解
畫工應惜綠琳瑯

題有真意軒

西峪幽深弗數至至斯佳趣得殊前愛循棧徑忘行倦
忽造山軒可憩便閭舍鱗依城郭外黍禾墉積圃場邊
問予真意於何在不離去聲民情是我田

空翠書樓

空林圍四面翠影落中庭耐可悅心性誰能擬色形既
虛無侈望惟寂有餘聽書卷原陳几所慙善取型

對畫亭

虛亭置牖糊雲母風月四時無盡藏嵐靄峯巒常變幻
可能如是笑倪黃

梅檀林

跬步峯形有萬千淨香披處忘塵緣何須覓率天中覓
澗葉巖枝豈不然

澄霽樓即目書懷

邇日秋山每作雲護霜綠樹惜殷勤

霜遲斯葉綠雲佈則無霜

偶登

樓級澄逢霽恰對檐題望特欣映旭枝頭翠猶滴翻風
葉背紫微分林巒趣易知詳悉物理民情較此紛

熱河啓蹕幸木蘭行圍之作

有方必告敬詢

安綃茂旃旌指木蘭宿雨汎塵途不濘曉雲漏日氣非
寒問程已熟行來近納稼逢饒志為寬適報遠人歸順

至朝家蒐典俾同觀

山村

山村野墅望相連，微幸登秋值有年。
納稼每看多積圃，

餘糧未盡尚棲田。河東移粟稍資益，

今秋近畿被水州縣低田不免歉收

而關外豐稔倍常，蓋藏充裕，因令楊廷璋諭其販運入口，售糶內地，既接濟有資，而邊民亦不虞穀賤，自為兩得。
潞地塵民劇可憐，飢已難堪寒即至。
欣茲忘彼豈宜

然

入崖口

河非亦九曲

是處河名伊遜蒙古語九數也自發源處九曲而出崖口

地險設雙崖

秋景依然好小園按例排

甫入木蘭境例試平川小園次日乃大獵

馬調麾

足怯鷹攫雉毛篋十里羶廬近拈吟正復佳

暖

山莊秋仲寒已峭季月木蘭氣轉溫細毳清晨渾不冷
薄綿卓午尚嫌暄翻風綠葉雜紅葉晃日霜原作露原
寂是草肥宜牧馬諸藩執役喜同存

雨

九月初五日

邇日異常暖情知蒸雨霏度林捲霧帳拂巘鎖煙扉旃
屋滿塵潤棉衣變冷微所欣圍罷後是日自晨作陰
圍罷後始雨即
景紫毫揮

土爾扈特汗渥巴錫等至伊綿峪朝謁詩以紀事

通使曾經丙子年

土爾扈特汗敦噶布喇什曾於乾隆
丙子秋遣使入貢今其子渥巴錫率

全部歸順更為
不期而至者

茲徠統部不期然名編典屬非招致禮

肄鴻臚合惠宣類已全歸衆蒙古峪徵嘉兆信伊綿

是地

舊名布祜圖昂阿乙亥秋噶爾藏多爾濟來朝於此丁
丑戌寅哈薩克布魯特歸化其使臣並於此朝謁因名

斯峪曰伊綿今土爾扈特全部歸順又無心蜀望猶初
適瞻覲於此伊綿者漢語會歸之意也

志

丙子宴土爾扈特使臣詩有無心望蜀更勤退之句
蓋彼時土爾扈特猶遠阻俄羅斯雖有嚮化之心無

由徑達朕並未嘗稍存奢望即今渥巴錫等棄俄羅斯
舉屬內附亦非有藉招致而徕且準噶爾四衛拉特從
此無不隸我臣僕
尤始念所不及耳

天興欽承益翬虔

重九日作

何處登高好興安天興鄰心懷同廓落眼底俯嶙峋地
淨山如水氣暄秋似春重陽宜宴賞况有遠徕人

是日
黃幕

賜食土爾扈
特亦命入座

題鄒一桂菊花

女夷賦萬花獨賦菊於秋素節冷淡姿情性雅相投其
初惟一黃紅紫色漸稠質之紫桑翁弗知首肯不

題痕都斯坦菊花碗

徑一圍三尺有餘水磨工異考工書耳垂翻出雙苞綴

足砥紛承碎瓣舒色貢却非來玉隴

和闐所屬城名

通商恒是

走渠胥

痕都斯坦猶在拔達克山西南彼處商人時持玉器來鬻爾羌

菊花依舊重

陽節合贈淵明五柳居

出哨

哨裏今秋暖
峭寒出哨逢
化工具神運

天愛有殊鍾
筑奏風鳴樾
畫張雪積峰

是日微雪

行宮原避

冷拈詠得從容

木蘭旋蹕至避暑山莊即事有作

木蘭肆武罷秋圍
是日山莊旋蹕歸
勅政肝宵仍別殿

詢

安歡喜謁

慈闈舊藩莅止入邸舍

四十八旗王公等以執役歲久此間或有置邸舍者

新附

隨來換敝衣

土爾扈特台吉渥已錫等於木蘭入覲後即令其隨至山莊將行宴齊是日先加封

爵並視其秩予以章服有差

行慶施恩舉次第園看萬樹有光輝

普陀宗乘廟落成拈香得句

遙肖何妨屢普陀

普陀有三一居額爾特珂克即印度一居圖伯特即西藏一居南海而西

來因緣則始自印度而西藏而南海南海特大士行教示現之所印度又遠不可稽惟西藏都綱法式具備因於山莊北麓仿其制為之金剛四句括無多層樓金瓦輝香象偏袒

黃衣演法螺虔為祝

釐開八秩會逢歸極仰三摩

今歲恭遇
句萬壽因建此廟慶遇

皇太后八

慈禧茲屆歲工慶落會土爾扈特汗渥巴錫等適至以其素重黃教命往瞻禮俾益深感悅撰良慶落欣瞻禮曰罪曰知且付他

萬樹園賜宴土爾扈特汗渥巴錫等即景成什

汗仍其舊號新綏餘各優封五等施

渥巴錫乃其舊汗
敦噶布喇什之子

本應襲汗者茲予封號曰卓里克圖汗其策伯克多爾
濟封為親王合楞班巴爾封為郡王餘則貝勒貝子各

四公二封
爵有差

契苾詎徒四百帳招搖那藉九夷旗寧餉珍

膳飽以德馬湏蟻醪醉不辭于古為稀今厚幸

天恩

祖烈奉惟寅

清舒山館

山莊歲歲臨山館秋孟忽忽忽季秋葉落隔窓疑雨落
水流過砌共時流向陽暖處每久坐值暇餘中此漫遊
景曰清哉莫如靜興於舒矣更宜收

萬樹園燈詞

西陲平定已多年宴賚頻施畢後先孰意新歸額濟勒

渥巴錫等舊居俄羅斯之額濟勒今棄其游牧率屬歸順因視都爾伯特策凌等來歸之例於山莊宴賚並設

燈筵火戲
俾得預觀山莊重看設燈筵

程經萬里不辭遙嘉與優恩詠蓼蕭自是勞徕惠遠部

非關尋樂借元宵

通使昔曾阿玉奇今來明背俄羅斯納降彼已先孤約

以此折之信得辭

初舍楞竄入俄羅斯曾向其一再索取俄羅斯竟未送還設俄羅斯以渥

巴錫等叛彼來投向我求索即以舍楞事折之彼亦無辭以對

舍楞逃去復還歸悔過斯應湔昔非
習爽光明有如是
縛鷄籠內豈為威

夕峯漸隱夕陽暉萬樹須臾萬燭輝
望後漫嫌無月色
上元景物豈其非

詎止隨圍按歲輪頻繁來集仰流鱗
扎薩克王公等每歲更番入覲隨圍

今都爾伯特親王榮凌烏巴什等亦來朝謁與宴彼即四衛拉特之一且舍楞所舊識也
新來那不

心生羨明有伊犁舊識人

纏頭環耳各隨宜何必衣冠盡改之
獨幸文身南掌使

也隨班末仰威儀

南掌國每十年一貢適其使臣職貢來京燕祝

聖母萬壽因令於山

莊觀謁俾一體與宴

寶塔輝煌百十層鑄錫膜拜法王燈棄幽真是心源澈
設教休誇神道能

恭奉

皇太后自熱河還蹕之作

行慶柔徠畢歲儀栢冬旋蹕指京師仙莊歲至漫迴顧

仁嶺雲齊景仰思

廣仁

嶺康熙五十七年賜名來往所必經

一路承

歡申愛敬

高年益健愜衷私如斯百度猶無厭層巘喬松與永期

雨過青石梁

十月初四日

徹夜廉纖曉未晴輕輿已備御而行

自辛酉秋符以來雖甚雨雪皆乘馬

過青石梁而行今晨以值雨所司備輕輿遂御之昨未
蘭中曉往獵場亦有乘輿以行之日雖從衆請自愧不

如少年耳順時養體欽

天道漸石膠車驗物情宜雪雨零候緣暖

往年此際闕外已作雪今

歲氣暖故仍雨降高卑就谷循平披煙南望慰心處潤透冬田

麥始萌

恭奉

皇太后廻蹕至圓明園

秋暖今年喜異常

安輿旋輅小春陽
塞莊攬景

心恒豫園藥就溫

體益強籠陌陰仍柳葉綠噴階香簇菊花黃
延

釐慶典行將近嘉興羣工宿悃償

陝甘總督吳達善奏報甘省收成八分有餘並籌

買補倉糧詩以誌慰

春聞甘省災切切為廬意思以救民命不遺餘力計春

因甘省疊被偏災收成歉薄舊欠日多特降旨將節年未完民借籽種口糧四百四萬餘石槩行豁免其未完銀一百三十二萬餘兩分作六年帶徵又撥陝西庫項二百萬兩以備賑糶復以甘省正供本年適屆輪免其灾蠲之項已概其中而積歉灾黎實堪軫念因將被災各州縣應行議蠲者降旨展至明年按分補蠲以蘇民困

上蒼本好生旋轉起顛顚夏雨秋遲霜有收八分暨乃

知

天德恢勝人力百倍叶糧價入市平傷農慮大吏和糴

防殄穀更留不虞備慰哉允所請仍為去聲前茲愧

賜錢陳羣

祝

嘏重来紫禁攀依然鶴髮晤童顏枕流漱石家鄉慣實
語真情前席間不覺六年如一日更期百歲領三班陳羣

於辛巳慶典即居致仕九老之次茲復與嘉會為
林下諸人領袖而精神矍鑠如前計其再來恭祝

九旬慈壽陳犀
亦將百歲矣

鬼神弗問蒼生問吉甫清風補袞閑

齋宮夜雪

十一
月望

申末

天衣佈亥初瑞葉舒繼飄旋繼大時疾復時徐問徹五

更夜知霑三寸餘明當詣

壇宿憑輦慶何如

詣齋宮作

善霽曦光暖

俗以無風而
霽謂善晴

平明出鳳闈重樓皆積玉九

陌漸融銀

天澤先長至

慈釐被普垠齋宮排鵠立

陪祀王公百官例於齋宮候駕

此喜共羣臣

冬至

南郊禮成述事

燭田輦度玉田皴

壇陟三成典恪循幸值

敷恩早往歲益座祈穡謹微身復來恰是先七日

嘏錫欣逢開

八旬

壽母萬年

純佑命敢稱燕喜倍虔寅

九老會詩

有序

徵會昌之盛事祝

釐曾頌叶作朋繼辛巳之鴻儀增美仍序偕尚齒茲屆
慈闈八旬萬壽復得香山九老三班秩文武之崇階領

以宗藩矍鑠列林泉之耆碩遂其嘉會逍遙合廿
七人之歲月多多積榮而

延洪若券卜萬億年之

升恒永永依旬而紀瑞如環

累洽重熙欣符

景運載賡作繪具有成規用倡長言更期遞舉

九老三班前例曾十年一舉

介釐增

八旬慶溯

七旬典辛卯祥開辛丑徵肝食宵衣猶此佐

右二王七文臣共六

百八十歲

啓疆拓宇底須能

右武臣九人共六百八十五歲

優遊林下同

來賀

右致仕九人共七百二十九歲

萬壽稱觴合作朋

詠蟠桃玉石子

和闐玉河產玉久水精土氣侵尋受出亦待時非凡偶
萱闡茲值八旬壽地不愛寶呈瓊玖一顆形似綏山有

暈霞含赤如中酒三千歲熟雙成取崑崙致獻西王母
億萬斯年祝

曼耆

冬至月廿五日

聖母皇太后八旬大慶慈寧宮行禮喜成長什

璿冊新鐫薦

懿稱萊衣晉舞率孫曾以天下養慶儀備

居五福先繁祉膺

名壽都緣大德得

康強欣共介齡增六旬帝子

八旬母史策誰曾見此曾

命九老等遊香山再用白居易詩韻

七賢初作洛中會增二纔成九白鬚

洛中尚齒會初本胡吉劉鄭盧張與

居易而七後益以李元爽及禪師如滿始足九老之數見居易自序

豈似三班同祝

嘏遂教一日共遊娛恩因尚齒優而渥興忘引年豪且

麤那許林丞閉門拒何妨內使陟山扶拈髭佇待新詩

詠選手仍依舊例圖更有三人重寫像

顯親王及錢陳羣鄒一桂三人

於辛巳恭逢

皇太后七旬慶典已入九老會中今復康強預列洵為異數

方茲榮幸世真

無

賜錢陳羣南旋歸里之作

剛喜談心頻席前胡為慶歲又當旋幾番笑語消一瞬
重晤風光期十年雪阻長途仍發輟冰凝順水未開船
精神健豈妨跋涉却是南瞻每眷然

除夕

一歲一宵盡
明春明日臨
桃符辟邪換
栢酒逐祥斟
祇覺孫曾長
那知年紀深
自惟弗易者
方寸愛民心

御製詩三集卷一百

蓋聞健運有常者天之道日新不已者聖之功
仰惟我

皇上勤政立教敷於訓行

宵旰之暇寄情六義本無逸之念課有恒之程自元
旦以迄除夕篇無虛日編以紀年

初二集所刻凡薄海藝林久已共覩

日月之光華聆韻韶之聲振矣茲自庚辰迨於辛卯
復閱十有二年積

詩萬一千六百餘首編成

三集統一百卷蓋

二集之富較

初集以倍茲

三集之成卷增於

二集又十之一篇增於

二集又十之四苞含萬有賅洽羣言瞻改

鴻文益欽浩博譬諸登泰岱者躋攀久而愈仰其崇

隆觀滄瀛者矚望廣而愈形其浩瀚臣等叨塵
禁近

吟篇初下每以先覩為榮今編刻既成盟誦之餘愉
快更不能自已敬因綜薈尋繹於是集起託實
有以見

德盛化神

天人交慶適符元會者焉溯自庚辰為我

皇上五旬萬壽辛巳為

皇太后七旬萬壽時則西師凱旋闢地二萬成功告慶
而是集以始迄於庚寅

皇上六旬萬壽辛卯

皇太后八旬萬壽時則土爾扈特全部歸誠率屬內附
而是集適成中間

掖

輦時巡

兩幸江浙

再莅淀津

詣闕里

禮岱宗

陟臺麓

大典所昭

大文益煥又若星辰經緯之久而彌光雲霞蒸蔚之
增而彌耀洵有非膚見淺識所能繪擬形容者
至於敬

金史卷之六
天法

祖之忱承

歡教孝之本

飭農而課晴問雨

勅政而咨救命官甲乙之

恩榜迭開銀粟之正供遞免以及

寫仁智之契

闡行生之機時

覽古以訂譌每即事以紀實韻或數疊體無不兼蓋
炳炳乎措而咸宜進而愈上者矣臣等於

初二集雖嘗一再揄揚究未得窺見毫末茲復賜言
三集更無由罄其握管扣槃之愚然於可得聞以極
於無能名竊以為

聖人之文一天之文蓋惟無逸是以有恒亦惟有恒
益徵無逸疊疊不窮即生生不息

大文之美富其在斯乎臣劉統勲臣劉綸臣于敏中

臣王際華臣表曰修臣觀保臣董誥拜手稽首

恭跋

欽惟我

皇上文思光被久道化成宵旰時幾寄情篇什煥然
蔚炳與歲俱增要皆本

至誠無息之一心發為

大聖多能之餘事而卷帙之富亦遂超軼古今蓋自
御極以來丙辰至丁卯一紀所作四千有奇訂為初
集戊辰至己卯一紀所作八千有奇編為二集
以次刊布固已漸被海寓範模藝林矣茲恭值

聖主綺甲初週疊開昌運遡自庚辰閱今辛卯又十
二年積詩凡萬一千有奇裒然大觀協辦大學
士尚書臣于敏中編排壽臬既成臣得受而祇
讀敬謹由繹仰見我

皇上對越

天

祖敬日躋而德日新

辰告臣民義愈精而仁愈熟用是

治登熙皞

恩浹垓埏合萬國之歡心奉

九重之色養

慈寧悅豫慶典駢敷七旬而介

祉清涼掖

輦紀山呼之盛八袞而延

釐泰岱升中載

天錫之純中間江介兩巡山川助夫藻翰津門再幸瀛

海暢以文瀾抒疏濬之宜則支港燦如指掌示
宣防之要則芟楫習若躬親加以

德威遐播絕徼賓將來歸而嚮化於自然面內而輸
誠於大順一經

天筆摛華遂使海濱月竈之悃忱流露於研辭琢句
之際而鴻猷景烈之燦著昭晰於和聲依永之
間至若

思精體大詞各備夫雅頌風謠言約義賅旨實貫乎

典謨訓誥下逮一人物之叅訂一名勝之考稽
即景言懷詼風書實亦必盡甄陶之趣殫墳典
之微蓋無不發前人所未發而獨標妙蘊於天
成者誠千古詩學之極軌已臣歸田二十年中
承

旨和詩綜計矢音之什不下千餘每仿宋臣李昉得
謝無事焚香日誦御詩及拜手賡颺則又倣陸
游日課一詩故事是則

御製三集之成先覩為快宜莫如臣而廣和之多亦

莫如臣以臣散材荒殖竊幸藉廼顓蒙少尋塗

輒顧臣所撚髭吮毫而彌形其竭蹶者不過滄

海一螺太倉稊米若夫

聖製之睿敏佇興而作寸晷不移下筆成章直䟽便
就既已風發泉湧雲委波屬文鋒乍振則鈞韶
自諧輕翰暫飛則天葩競發矧乃川至不舍

天行自強學遜志於脩來道從心而大適故即驗諸

決歲之近數卷之中舊題而疊至四三彊韻而
鑿凡六七莫不詞采瞻麗意悟冲邁自杼杼軸
而高堅莫罄其仰鑽不假鑪錘而工巧悉歸於
神化此豈天下文人學士所能窺測萬一哉然
其喁喁嚮風之誠則較前此思讀


初集二集者又不啻倍之矣自此津梁承學曷有涯
涘而臣以望九之年祝

嘏面闕蒙

恩命跋得再預侍從諸臣之列挂名簡末其為榮幸
更當何如耶太子太傅 恩加刑部尚書在

籍食一品俸臣錢陳羣拜手稽首恭跋





總校官庶吉士臣侍朝

校對官檢討臣龔大萬

膳錄貢生臣左顯若